

Алматы тіршілігі арнасына түсіп келеді

3-бет

Елдіктің жолында бірлік керек

6-бет

Аза тұтудың азабы

8-бет

# EGEMEN QAZAQSTAN

№6 (30235) 11 ҚАҢТАР, СЕЙСЕНБІ 2022 ЖЫЛ

Жүз жылдық жылнама

www.egemen.kz

E-mail: info@egemen.kz

FACEBOOK.COM/EGEMENKZ

TWITTER.COM/EGEMENKZ

Қазақстан Президенті Қасым-Жомарт ТОҚАЕВ:

## Бұл – мемлекеттік төңкеріс жасауға ұмтылыс

Елімізде қалыптасқан жағдайға байланысты Қазақстан Президентінің бастамасымен шақырылған Ұжымдық қауіпсіздік туралы шарт ұйымы Ұжымдық қауіпсіздік кеңесінің кезектен тыс сессиясы бейнебайланыс режимінде өтті.

**Меруерт БҮРКІТБАЙ,**  
«Egemen Qazaqstan»

**Бұл – нақты қолдау көрсету**

Жиынға Қасым-Жомарт Тоқаевпен қатар Арменияның Премьер-Министрі Никол Пашинян, Беларусь Президенті Александр Лукашенко, Ресей Президенті Владимир Путин, Тәжікстан Президенті Эмомали Рахмон, Қырғызстан Министрлер кабинетінің Төрағасы – Президент Әкімшілігінің Басшысы Ақылбек Жапаров және ҰҚШҰ Бас хатшысы Станислав Зась қатысты.

Ұжымдық қауіпсіздік туралы шарт ұйымы (ҰҚШҰ) Ұжымдық қауіпсіздік кеңесінің кезектен тыс сессиясы Қазақстандағы соңғы оқиғаларда құрбан болғандарды бір минут үнсіздікпен еске алудан басталды.

Мемлекет басшысы Қасым-Жомарт Тоқаев ҰҚШҰ бойынша әріптестеріне көрсеткен көмектері үшін ризашылығын білдірді. Қазақстан Президенті сессия қатысушыларына елімізде қалыптасқан ахуал мен оны тұрақтандыру үшін қабылданып жатқан шаралар туралы мәлімет берді.

– Саммитіміздің кезектен тыс өткізілуі төтенше жағдайларға байланысты болып отыр. Қаңтардың бірнеше күні ішінде Қазақстан ауқымды дағдарысты



бастан өткерді. Бұл – Тәуелсіздіктің 30 жылдық тарихында болған ең ауыр оқиға. Мұндай деңгейдегі зор қауіп-қатермен біздің ұйым бұрын-соңды бетпе-бет келмеген. Қажетті құжаттарды келісу жөніндегі шұғыл жұмысы үшін Төрағамыз Никол Воваевич Пашинянға алғыс айтамын. Ресей Федерациясының Президенті Владимир Владимирович Путинге түсіністік танытып, ҰҚШҰ-ның бітімгерлік күштерін Қазақстанға жіберу мәселесі бойынша жылдам шешім қабылдағаны үшін ерекше алғыс білдіремін. Құрметті Владимир Владимирович, елімізге лаңкестік шабуыл жасалған сәттен бері Сізбен тұрақты байланыс жасап отырмыз. Александр Григорьевич Лукашенкоға, Садыр Нұрғожоевич Жапаровқа, Эмомали Шарипович Рахмонға көрсеткен саяси

және әскери бауырластығы үшін алғыс айтамын, – деді Қ.Тоқаев.

Мемлекет басшысы әріптес елдердің моральдық қолдауы аса маңызды болғанын атап өтті.

– Бүгін Қазақстандағы қайғылы күндері қаза болған азаматтарды Жалпыұлттық аза тұту күні. Баршаңызға шынайы көңіл айтқандарыңыз үшін алғыс айтамын. ҰҚШҰ Бас хатшысы Станислав Васильевич Засьқа, Хатшылық пен Ұйымның біріккен штабының жұдырықтай жұмылған барлық ұжымына ризашылығымды білдіремін. Шын мәнінде, ҰҚШҰ-ға мүше мемлекеттердің бірінің қауіпсіздігін, тұрақтылығы мен тұтастығын қамтамасыз ету үшін Ұйымның бітімгерлік күштерін ауқымды түрде жұмылдыру жағдайы бірінші рет болып отыр. Біз үшін

ҰҚШҰ бойынша әріптестеріміздің әскери ғана емес, моральдық қолдау көрсетуі де аса маңызды. Ұйымға мүше мемлекеттердің бәрі біртұтас майдан болып, Қазақстанның үндеуін бірауыздан қолдады, – деді Қасым-Жомарт Тоқаев.

### Терроризм қаупі және агрессия актісі ретінде бағаланды

Отырыс барысында ел Президенті еліміздегі қазіргі жағдай мен өткен күндері болған оқиғалар туралы айтты.

– Оқиғалар желісі туралы ақпараттарды толық екішкі отырып, биылғы жыл басынан бергі оқиғаның бәрі бір шынжырдың тізбегі екенін нық сеніммен айта аламын. Олар жымсық оймен ұзақ уақыт бойы дайындалған. Дайындықтың қанша уақыт – бір жыл, екі немесе үш жыл жүргізілгенін тергеу анықтайды. Деструктивті күштер тұрақтылықты бұзуға, тәртіпсіздікке жол ашуға бірнеше рет тырысты. Мемлекеттің тұрақтылығы мен беріктігін сынап көруге бағытталған сияқты болды. Олардың барлық әрекеттерінің жолы кесілді. Бірақ ұйымдастырушылар өз жоспарынан бас тартпай, қарулы қысымға дайындалуға көшті. Бүлікшілер автомобиль газы бағасының көтерілуіне байланысты бірқатар өңірдегі халықтың наразылығын сылтау ретінде пайдаланды, – деді Қ.Тоқаев.

Президент бейбіт митингке жиналған азаматтардың талап-тілегі орындалып, автогаз бағасы бұрынғы деңгейіне түскені және Үкіметтің отставкаға кеткенін жеткізді.

– Митингілер өтті. Оған қатысушылар әлеуметтік-экономикалық және қоғамдық-саяси талаптарын қойды. Мемлекет оның бәріне құлақ асып, орындады.

Үкімет отставкаға кетті. Автогаз

бағасы бұрынғы деңгейінде қалдырылды. Біз нақты әлеуметтік-экономикалық шаралар кешені мен қоғамдық-саяси реформалар жоспарын қабылдаймыз деп жарияладық. Бірақ Қазақстанға қарсы агрессия ұйымдастырушылар үшін мұның ешқандай мәні болмады. Стихиялық наразылық жаппай тәртіпсіздікке ұласты. Діни радикалдар, қылмыстық топтар, жауыз содырлар, мародерлер мен ұсақ бұзақылар біртұтас команда ретінде бой көрсетті. Әлеуметтік-экономикалық және қоғамдық-саяси талаптар екінші-үшінші орынға сырғыды. Оны ұмытып та кетті. Артында аласапыран басталып кетті. Өздерінің қолайлы сәтін күтіп отырған қарулы содырлар тобы іске көшті, – деді Мемлекет басшысы.

Президент барлық әскери іс-қимылдың бір орталықтан үйлестірілгенін баса айтты.

– Олардың басты мақсаты: конституциялық құрылысқа нұқсан келтіру, басқару институтын бұлдіру, билікті басып алу болғаны анықталды. Бұл жерде мемлекеттік төңкеріс жасауға ұмтылу жөнінде сөз болып отыр. Қазір барлық әскери іс-қимылдың бір орталықтан үйлестірілгені, мұқият жоспарланған операцияның шешуші кезеңге шыққаны белгілі болды. Өңірлік биліктің, құқық қорғау органдарының ғимараттарына, тергеу изоляторларына, стратегиялық нысандарға, банктерге, телемұнара мен телеарналарға бір уақытта, бір мезгілде екенін қайталап айтамын, шабуыл жасау – соның айқын дәлелі, – деді Қ.Тоқаев.

Мемлекет басшысы ел аймағында болған жантүршігерлік оқиғалар туралы мәлімет берді.

(Соңы 2-бетте)

## Қауіпсіздікті қалпына келтіру ісі – басты міндет

Мемлекет басшысы Қасым-Жомарт Тоқаев шұғыл әрекет ету штабының отырысын өткізді, деп хабарлады Президенттің баспасөз қызметі.



Суреттер түсірушілер А.ДІСЕНБЕК, Ғ.ОМІРБЕКОВ

Президент Қасым-Жомарт Тоқаевтың төрағалығымен шұғыл әрекет ету штабының кезекті отырысы бейнебайланыс режимінде өтті. Жиын барысында Бас прокурор, Ұлттық қауіпсіздік комитетінің төрағасы, Ішкі істер және Қорғаныс министрлерінің міндетін атқарушы тұлғалар баяндама жасады.

Мемлекет басшысына құқық қорғау органдары мен Қарулы күштердің еліміздегі жағдайды тұрақтандыру үшін қабылдаған белсенді шаралары туралы баяндалды. Адамдар мен көліктерді тексеру, сондай-ақ стратегиялық нысандарға бақылау орнатуды жүзеге асыру мақсатымен елді мекендердің аумағына 93 блок-бекет қойылды.

Қасым-Жомарт Тоқаевқа заң талаптарына бағынбау және аса маңызды әрі стратегиялық нысандарға шабуыл жасау фактілерінің қатаң түрде жолы кесілгені жөнінде мәлімет берілді. Алматыда

«Барлық» және «Алтын Орда» базарларын тазарту барысында 207 адам ұсталды. Олардан ұрланған 5 автокөлік, қару-жарақ, ок-дәрілер, қалқандар тәркіленді.

Елордада алдын алу шаралары жүргізілуде. Оның барысында аулалар мен пәтерлердің тыныштығы қамтамасыз етіледі, сондай-ақ тәулік бойы автопатруль күзетеді. Жалпы, еліміз бойынша төтенше жағдай режимін бұзған 1,5 мың адам жауапқа тартылды.

Мемлекет басшысына негізгі күш-жігердің қазіргі уақытта террористердің мекенжайын анықтап, ұстау жөніндегі шұғыл шараларға бағытталып отырғаны баяндалды.

Қасым-Жомарт Тоқаев еліміздегі қоғамдық тәртіп пен қауіпсіздікті қалпына келтіру ісін жалғастыра беруді, сондай-ақ аталған жұмыстар бойынша ақпараттық қолдау көрсетуді күшейтуге тапсырма берді.

## Еуропалық кеңестің президентімен келіссөз жүргізді



Мемлекет басшысы Қасым-Жомарт Тоқаев Еуропалық кеңестің президенті Шарль Мишельмен бейнебайланыс режимінде екіжақты келіссөз жүргізді. Виртуалды кездесу еуропалық тараптың бастамасымен өтті, – деп хабарлады Қазақстан Президентінің баспасөз қызметі.

Өзара достық пен сенімге негізделген әнгімелесу барысында тараптар Қазақстандағы қазіргі ішкі саяси ахуалды және Қазақстан мен Еуропалық одақ

арасындағы стратегиялық серіктестіктің даму перспективаларын талқылады. Шарль Мишельдің өтініші бойынша Қасым-Жомарт Тоқаев еліміздегі

қазіргі оқиғалардың себептері мен қабылданып жатқан мемлекеттік шаралар жөнінде мәлімет берді. Президент конституциялық құрылысқа нұқсан келтіріп, мемлекеттік төңкеріс жасауға ұмтылған террористер мен бұзақылардың зорлық-зомбылық әрекеттері туралы айтты.

(Соңы 3-бетте)

## Құран хатым дұғасы оқылды

Кеше жарияланған Жалпыұлттық аза тұту күніне орай еліміздің мешіттерінде Құран хатым дұғасы жасалды. Сауапты шараға еліміздің барлық өңіріндегі құлшылық ордалары бір мезетте бірлесіп ұн қосып, қайғылы оқиғада қаза тапқандардың рухына Құран бағыштады.

Елорда төріндегі «Әзірет Сұлтан» мешітінде ҚМДБ төрағасы, Бас мүфти Наурызбай қажы Тағанұлы бастаған дін қызметкерлері Құран хатым дұғасына қатысып, Отан қорғау жолында опат болған сарбаздарымыз бен бейбіт

тұрғындардың рухына Құран бағыштады. Мемлекеттік Ту төмен түсіріліп, күллі Қазақстан халқы аза тұтқан осы күнде марқұмдардың соңында қалған туыстары мен жақындарына көркем сабыр сұрап, Алла тағаладан жақсылық тіледі.

Сауапты іс-шарадан соң тілшілерге берген сұхбатында Бас мүфти «Отан үшін жанын берген азаматтарымыздың, бейбіт тұрғындардың рухына арнайы Құран хатым дұғасын бағыштадық. Алла тағала қабыл етсін. Марқұмдарды Алла мейіріміне алғай. Жаратушы иемізден жаракат алған жандардың тез арада сауығып кетуін тілейміз. Қиын сәтте әр азамат бірлігін танытып, өз тарапынан қолдау көрсетуде. Біз, дін қызметкерлері де күн сайын дұға жасаудамыз», деді.

ВАЛЮТАЛАРДЫҢ РЕСМИ (НАРЫҚТЫҚ) БАҒАМДАРЫ:

EUR/KZT 488.16

USD/KZT 431.81

RUB/KZT 5.7

CNY/KZT 67.85















ҚАЗАҚСТАНДАҒЫ ҚАРАЛЫ КҮНДЕР ХРОНОЛОГИЯСЫ

02 14.01.2008

Қарағанды облысы Абай қаласындағы шахтада болған жарылыс, 30 кенші қаза тапты

01 20.09.2006

Қарағанды облысы Ленин атындағы шахтада болған жарылыс, 41 кенші опат болды

11 10.01.2022

Лаңкестердің қолынан құқық қорғау қызметкерлері мен бейбіт тұрғындар қаза тапты. Олардың саны әзірше белгісіз

10 29.08.2021

26 тамыз күні Жамбыл облысы әскери бөлімінің аумағындағы оқ-дәрі сақталатын қоймадағы жарылыс. 17 адам опат болды, 98 адам зардап шекті

03 16.03.2010

Алматы облысындағы Қызылағаш су қоймасы жарылды, 45 адам қаза тапты, оның 11-і – бала

09 13.07.2020

Коронавирус пандемиясынан қайтыс болғандарды еске алуға арналған Жалпыұлттық аза тұту күні жарияланды

ОСЫМЕН ТӘУЕЛСІЗДІК АЛҒАН 1991 ЖЫЛДАН БЕРІ ЕЛІМІЗДЕ АЗА ТҰТУ КҮНІ 11-ШІ РЕТ ЖАРИЯЛАНЫП ОТЫР

04 05.06.2012

Алматы облысы Арқанкөрген шекара бекетіндегі қайғылы оқиға, 14 әскери борышын өтеуші сарбаз бен қорықшы қаза тапты

05 27.12.2012

Шымкент қаласында АН-72 ұшағы апатқа ұшырады, 27 шекарашы, соның ішінде экипаждың 7 мүшесі қаза тапты

06 31.01.2013

Алматы облысы Қызылту көнігінде Көкшетау – Алматы рейсін орындаған Challenger-200 ұшағы апатқа ұшырады. 16 жолаушы мен экипаждың 5 мүшесі қаза тапты

07 09.06.2016

Ақтөбедегі лаңкестік. Әскери бөлім мен қару-жарақ дүкеніне шабуыл жасалды. 8 адам опат болды, оның үшеуі – әскери қызметкер

08 28.12.2019

Алматы – Нұр-Сұлтан бағытына ұшқан Bek Air өуе компаниясының Fokker-100 ұшағы апатқа ұшырап, бетон қоршауды бұзып өтті. Ұшақ бортында 93 жолаушы және 5 экипаж мүшесі болған

Аза тұтудың азабы

Соңғы күндері елімізде болған оқиғалар тізбегі бәрімізді қалың ойға батырып, көкейіміздегі сұрақ атаулыны ұлғайта түсті...

Ғабиіт ІСКЕНДЕРҰЛЫ, «Egemen Qazaqstan»

Сансыз сұраққа бас қатырып, жауап таппай қиналған сәтте өткен тарихты парақтап, кітап ақтарып, болмаса аға буынның айтқанынан жауап іздейтін дағдымыз бар...

«Білесің бе, соңғы күндері Отаным арану маған өте ауыр тиетін болып жүр. Ұят секілді. Ана жақта, Еуропада басқа өмір, ал бізде басқаша өмір...»

әлдеқайда жақсы өмірге лайықты ғой», дейді Адамзаттың Айтматовы. Шоң кайраткердің Еуропада қызмет етіп, өмір сүргенімен, болмыс-бітімі Отанымен...

Шыңғыс Айтматовтың қалай болғанда да елінің тұрмыс-тіршілігіне аландап, олардың тағдырына жаны күйзелетін нағыз халық жазушысы екені осыдан-ақ айқын көрінеді...

зиялысына тән болуы тиіс. Халқының болмыс-бітімін, тұрмыс-тіршілігін, рухани әлеуетін ұлт зиялыларынан артық кім біледі...

Задында, халық өз қаһармандарын ардақтай да біледі, төрге де шығарады, төбесіне де көтереді. Керек десеңіз, көзі тірісінде қоладан мүсінін құйып, ескерткіш те тұрғызады...

ескертіш орнату – елдің де, ердің де абыройы! Әйтсе де, әлемге әйгілі украиналық жеңіл атлет Сергей Бубка өзіне осылайша ерекше көрсетілген құрметтен ынғайсызданатын, ұялатын тәрізді...

«Ұлық болсаң, кішік бол» демекші, елін төрткүл дүниеге танытқан Бубканың қарапайымдылығы оның абыройын бұрынғыдан да асқақтата түсері анық.

P.S. Ұлт зиялыларының бойында ұят атаулы менмұндалап тұрса, аза тұтатын күндер де азаяр еді-ау.

...Ескерткішті бейбіт күннің батырларына көзі тірісінде қойғанға не жетсін?! Ал біз көп жағдайда елдікті қорғау жолында ерен ерлік көрсеткен ерлерді қаза болғаннан кейін ғана ұлықтаймыз...



Уведомляю, что было открыто наследство после смерти гр. Уркембаевой Гульнары Естемесовны, 05.07.1964 года рождения, умершей 15 августа 2021 года.

Открыто наследственное дело после смерти Алтаева Ерика Достановича, умершего 15 июля 2021 года.

Қазақстан Республикасы Премьер-Министрінің Кеңесі Кеңесінің қызметкері Дина Құнанбайқызы Мұхаммедсәлімоваға орны толмас ауыр қайғыға ұшырауына – анасы

«ҚР МШКҚҰ ҰО» РМК басшылығы мен ұжымы химия ғылымдарының докторы, профессор, Мемлекеттік сыйлықтың лауреаты Башов Әбдуәлі Башұлына ағасы

Открылось наследство после смерти Омарбекова Максата Кабзаквиевича, умершего 22 августа 2021г.

Открыто наследство после смерти Жансейіт Түймебаевқа ұлы ЕЛНАРДЫҢ

Нұр-Сұлтан қаласының Қазақстан халқы Ассамблеясы Өл-Фараби атындағы Қазақ ұлттық университетінің ректоры Жансейіт Түймебаевқа ұлы ЕЛНАРДЫҢ

Қазақ ұлттық қыздар педагогикалық университетінің ұжымы Өл-Фараби атындағы Қазақ ұлттық университетінің Басқарма төрағасы – ректор Жансейіт Түймебаевқа ұлы ЕЛНАРДЫҢ

EGEMEN QAZAQSTAN Жалпыұлттық республикалық газет. 1919 жылғы 17 желтоқсаннан шыға бастады. МЕНШІК ИЕСІ: «Егемен Қазақстан» республикалық газеті» акционерлік қоғамы

Саясат және құқық бөлімі Жолдыбай БАЗАР Экономика бөлімі Қымбат ТОҚТАМҰРАТ Әлеумет және білім бөлімі Орынбек ӨТЕМҰРАТ

МЕНШІКТИ ТІЛШІЛЕР: Нұр-Сұлтан – astana@egemen.kz Ақтау – mangystau@egemen.kz Ақтөбе – aqtobe@egemen.kz

МЕКЕНЖАЙЫМЫЗ: 010008 Нұр-Сұлтан, «Егемен Қазақстан» газеті» көшесі, 5/13 050010 АЛМАТЫ, Абай хан даңғылы, 58а АНЫҚТАМА ҮШІН: Нұр-Сұлтан: АТС 37-65-27, факс 8 (7172) 37-19-87;

Жарнама, хабарландырудың мазмұны мен мәтініне телпосы беруші жауапты. Газеттің жеткізілуіне қатысты сұрақтар үшін байланыс телефоны: 1499 («Қазпошта» АҚ) ТАРАЛЫМЫ 111 400 дана ISSN 1999-9720